

ԱՐՑԱԽԵԱՆ ՕՐԱԳԻՐ

Անցած շաբաթը որեւէ էական շտկում չմտցրեց Արցախի լարուած կացութեան մէջ:

Շարունակուում են փոխիրաձգութիւնները, հրթիռակոծութիւնները, մարդկանց առեւանգման դէպքերը, խափանարարութեան եւ աւազակային յարձակումների փաստերը: Ձնայած որ ընդհարուող կողմերի միջեւ տեղի են ունեցել մասնատր բնոյթի բանակցութիւններ, կրակի դադարեցման, լարուածութեան քուլացման շուրջ, սակայն դրանք հիմնականում կրում են ձեւական բնոյթ եւ հանդիսանում են կոնկրետ պահի փաղափականութեան արդիւնք: Լարուածութեան հիմնական օջախներ են մնում Շահումեանի շրջանը՝ մասնատրապէս Կարաչինար գիւղը, շրջակայքը, Մարտունի ֆաղափն ու քուրֆաբնակ խոջափենդ քաղամասը, Ստեփանակերտը եւ քուրֆաբնակ Կրկժան քաղամասը: Հոկտեմբերի 9ի առաւօտեան Ստեփանակերտի քիւ 3 դպրոցի վրայ Կրկժանի կողմից յարձակման ժամանակ զոհուել է 1 աղրբեջանցի, զինուորականների կողմից զերուել են 6ը, որոնք այնուհետեւ տեղափոխուել են Շուշիի բանտ, իսկ զործի բննութիւնը յանձնուել է ազերի բննիչներին: 8ի լոյս 9ի գիշերը Շուշիի շրջանի տարածում վերջին 10 օրայ մէջ չորրորդ անգամ պայթեցուել է Ստեփանակերտի ջրմուղը, որը այդպէս էլ չէր վերանորոգուել նախորդ պայթիւնից յետոյ: Առաւօտեան դէպքի վայր մեկնած զրահամեքենան, որում զտնուել են նաեւ ջրմուղը նորոգող իայ բանուորներ, ենթարկուել է հրաձգութեան Ղայբալու գիւղի կողմից: Ջրահամեքենան վերադարձել է Ստեփանակերտ: Նոյն օրը արտակարգ շրջանի պարետատան միջնորդութեամբ Շուշիի Ասկերանի շրջանի եւ Ստեփանակերտի ներկայացուցիչների միջեւ կայացուել է համաձայնութիւն, որի էութիւնը շարադրուած է հետեւեալ կետերում.

1. Հոկտեմբերի 11ից դադարեցուել շրջանների բնակավայրերի զընդակոծութիւնը:
2. Հոկտեմբերի 12ից, ժամը 8ից

ապահովել մարզի բոլոր ճանապարհների անվտանգութիւնը:

3. Պատանդների փոխանակութեան ուղղութեամբ՝ համաձայնեցուել մեխանիզմ:

4. Համատեղ հաղորդագրութեամբ նախատեսուած խնդիրների լուծման մեխանիզմ մշակել եւ Հոկտեմբերի 16ից ձեռնամուխ լինել դըրանց իրագործմանը:

Արդէն Հոկտեմբերի 10ին աղըրբեջանական կողմը խախտեց կայացած պայմանաւորուածութիւնը՝ կէսօրից յետոյ Ղայբալու գիւղի մօտակայքում յարձակուելով Ստեփանակերտի պայթեցուած ջրմուղը վերանորոգող իայ բանուորների վրայ: Ձնայած զրահամեքենաների պատասխան կրակը ստիպեց նրանց նահանջել, սակայն վիրաւորուեց ու հիւանդանոց տեղափոխուեց 45ամեայ Մանուէլ Մարտիրոսեանը:

Հոկտեմբերի 11ին վաղ առաւօտեան հզօր պայթիւնով շարքից հանուել է Շուշի ֆաղափին ջուր մատակարարող պոմպակայանը: Դէպքի վայր այցելած մի զինուորականի վկայութեամբ կայանի շէնքը հողին է հաւասարեցուել:

Հոկտեմբերի 13ի լոյս 14ի գիշերը պայթեցուել է Ստեփանակերտի մի մասը խմելու ջրով ապահովող Տլակէտի ջրամբարը: Ենթադրում է, որ զործողութիւնը կատարուել է Ջամիլու գիւղի ազերիների օգնութեամբ: Միայն վերջին 20 օրերին էր սկսել վերանորոգումից յետոյ աշխատել Ստեփանակերտի միւս՝ Ղայբարիշէնի ջրատարը: Մշտական լարուածութիւնը, իհարկէ, չէր կարող իր բացասական հետեւանքները չունենալ Ստեփանակերտի ընկերային-տնտեսական դրութեան վրայ: Քաղզործկոմի նախագահ Մախսիմ

Միրզոյեանը «Ինտերֆախ»ի քրդականցին տուած հարցազրոյցի ժամանակ հաղորդել է, որ ներկայումս ֆաղափի բնակչութեան միայն 15-20 տոկոսն է աշխատանքով ապահովուած: Ըստ նրա, աշխատատրներին աշխատավարձ վճարելու համար քղթադրամ չկայ, իսկ բիւջետային բոլոր կազմակերպութիւնները զործնականում զրոյի վրայ են նստած: Մ. Միրզոյեանը նշել է, որ 4 տարուայ ընթացքում ֆաղափում բնակարանային շինարարութիւն, ճանապարհների նորոգում փաստօրէն չի կատարուել: Ստեփանակերտ ուղարկուած ճանապարհային ողջ տեխնիկան բեռնաքափուել է ԼՂՀի աղրբեջանաբնակ շրջաններում: Վառելիքի պակասի պատճառով մարզում ամբողջութեամբ վերցուած հաւաքուել է անեցուած խաղողի միայն 7 տոկոսը: Նոյն պատճառով ամբողջութեամբ չի հաւաքուել նաեւ հացահատիկի բերքը: Արդիւնքը խանութների առջեւ զոյացած հերթերն են եւ անասնազխաբանակի կրճատումը: Մ. Միրզոյեանը նաեւ նշել է, որ գիւղատնտեսութեան նորմալ զարգացման դէպքում 3-4 տարի յետոյ Արցախը իրաբանչիւր շնչի հաշուով կը տար 400 կգ մրս: Մտահոգիչ երեւոյթ է նաեւ այն, որ Ստեփանակերտում շարունակուում են անել զործազուրկների շարքերը:

Մարտունիում չի նուազում իրավիճակի լարուածութիւնը: Հոկտեմբերի 13ին Մարտունու շրջանի աղրբեջանաբնակ գիւղի կողմից արձակուած կրակոցներից վիրաւորուել է Շեքեր գիւղ Հաղրութից հիւր եկած Կամօ Արզումանեանը: Նոյն գիշեր Սօս գիւղի ծայրամասի քաղերից մէկը ներխուժուելով, աղրբեջանցիք վիրաւորել են Շահէն Դանիէլեանին, կապուած ձեռներով խցկել իր իսկ մեքենան եւ ուղղուել են դէպի Ֆիզուլու շրջան: Բարեբախտաբար, Շահէն Դանիէլեանին յաջողուել է ճանապարհին դուրս քուչել մեքենայից ու փախչել:

Հոկտեմբերի 12ի առաւօտեան Ֆիզուլու շրջանի Ղաջար գիւղից

յարձակման է ենթարկուել Սօս գիւղի «Ամարաս» տեղանքը: Հայերը ու գիւղում տեղաւորուած զինուորական պահակախումբը ստիպել են նրանց նահանջել: Վիրաւորուել է 1 զինուորական: Գրեթէ նոյն ժամին, մէկ այլ խումբ փորձել է զողանալ Մանկալաշէնի 13 զուխ խոշոր եղջերատր անասունը, սակայն հակահարուած ստանալով, փախել է:

Հոկտեմբերի 10ին ողջ օրը զընդակոծուել է Շահումեանի շրջանի Կարաչինար գիւղը: Նըկատելի էին ՕՄՕՆականների մեծ կուտակումներ: Աղրբեջանցիք փորձել են յաւելուել ուժ իջեցնել, սակայն հանդիպել են ուժեղ դիմադրութեան:

րութեան: Ինքնապաշտպանութեան մարտիկներին յաջողուել է խփել ուղղաքիռը, որը նողապրելով մարտադաշտից, բլրի միւս կողմում պայթել է: Մարտի ժամանակ զոհուել են Հ.Յ.Դ. անդամ մարտիկներ Արշաիր Սարգսեանը եւ Աթաբեկ Վարդանեանը: Աղրբեջանցիք ունեցել են մէկ տասնեակից աւելի զոհ: Անցած շաբաթուայ ընթացքում չեն դադարել ընդհարումները նաեւ Հաղրութի ու Մարտակերտի շրջաններում: Ամենից մտահոգիչն այն է, որ աղրբեջանցիք աւելացնում են ՕՄՕՆի ֆանակը, կատարելագործում նրանց ունեցած ռազմական տեխնիկան, որի շարքում այսօր կան բազմաթիւ զրահամեքենաներ, ուղղաքիռներ, ինչպէս եւ աւելի փոքր շափերի ոչ խորհրդային զէնք: Այսպէս շարունակուելու դէպքում առաջիկայում աւելի ու աւելի է դժուարանալու հայկական փոքրաթիւ ջոկատների հակահարուած տալու կարողութիւնը: Եղածին զումարենք նաեւ այն, որ օրերս Աղրբեջանի Գն օրէնք է ընդունել Ազգային Ինքնապաշտպանական Ուժերի մասին: Օրէնքում մասնատրապէս ասուած է, որ «Ազգային Ինքնապաշտպանութեան ուժերը պետական զինուած կազմակերպութիւն է՝ հիմնուած խելամիտ բաւարարութեան սկզբունքի վրայ եւ կոչուած՝ ապահովելու Աղրբեջանի հանրապետութեան անվտանգութիւնը: ԱԻՈԻԻ գլխատր հրամանատարը Աղրբեջանի հանրապետութեան նախագահն է»: ԱԻՈԻԻ կազմը ձեւատրուում է 18 տարին լրացած զինձառայողների քուից, 18 ամիս ժամկետով, ինչպէս նաեւ ազատավարձու ֆաղաբացիներից: Օրէնքը նախատեսում է այլընտրանքային ձառայութիւն: Ըստ Հոկտեմբերի 11ի «Վեստի» ծրագրի հաղորդագրութեան, խօսքն այստեղ ազգային բանակ ստեղծելու մասին չէ: Հաղորդուել է նաեւ, որ նոյն օրը, Պետական խորհրդի աշխատանքների մասնակցելու նպատակով Մոսկուա մեկնած Մուրալիբովը յայտարարել է, թէ Աղրբեջանը կը ստորագրի տնտեսական համագործակցութեան ծրագիրը միայն այն դէպքում, եթէ Աղրբեջանում զտնուող խորհրդային բանակը հանրապետութիւնում ստեղծուող զինուած ուժերին փոխանցի իր ունեցած ողջ զէնքը:

Նշուած փաստերը, կարծում ենք, չպէտք է անտարբեր թողնեն Հայաստանի իշխանութիւններին:



Ն ի թ ե ռ ը վերցուած են ՀՅԴ ՄՏԿից